

# Menniste en Katholitje toop em Jebed

Kathoolischa Tjoatjedach: Mennische Secht saul enn Münster präsent woare

Oppem Katholitjedach enn Münster were Menniste aun dree ökumenische Veunstaltinje bedeeiljt. Daut Highlight doarunja: Daut jemeensaume Meddachsjebed enne Lambertitjoatj – doa, woo dee Klottjes henje, dee emma noch opp Greueltrate vonne Deepa hanwiese.

von Horst Martens

**W**olfgang Krauß word vom Katholitjedach enne Oa-beitsgrupp „Ökumene“ beroope en haft von mennischa Sied doatoo biegedroacht, daut dee Veunstaltinje stautfinje kunne en mennische Positioone goot vetrede were. Daut Theema vom Katholitjedach we „Suche Frieden“ – en Krauß jellt aus mennischa Fredens-Experte. Von 1984 bit 2008 we hee Geschäftsfehrra vom Dietschen Mennonitischen Fredenskomitee. Vondoag haft hee eene Dreddel-Pastorensted enn Augsburg en ess frieschaufent oppe Spure vonne Deepasch unjaweajes.

## Dee diestre Jeschicht

Woorom daut biem mennonitisch-evangelisch-kathoolischen Dialog enn Münster jintj: Vele Deepasch unjre Fehrrung von Jan von Leiden wulle enn Münster om 1534-35 daut Niece Jerusalem oppbue. Doabie kaum daut to vele Exzesse. Dee Bischof met siene Soldote eroobade Münster tridj en rechte enne Staudt een Blootbod aun. Dee Aunfehrasch vonne Deepa worde grausam jefoltat en enne Klottjes jestoppt en aum Torm vonne Lamberti-Tjoatj enne Hecht jetrocke, woo dee Klottjes vondoag noch henje. Nohm Katholitjedach meene Krauß en dee aundre Diskussionsdeelnehma: „Wie brucke aune Lambertitjoatj eene Infotofel, aun dee uck dee Secht vonne Deepa doajes-

talt woat. En woo uck nich moa dee Jeschicht vonne Münstersche Deepa vetallt woat, sonda uck dee jewault-frie Schweizer Breeda en Menno Simons to Wot kome.“

## Horrorjeschichte sent Propaganda

Aule dree Veunstaltinje were aum Friedach. Dee eschte Klock 11: „Jespreatj unja dee Deepaklottjes“ heet dee Podiumsdiskussioon, dee von Wolfgang Krauß moderieat word. Aus eschtet hild Ralf Klötzer eenen Veadrach ewa den jeschichtlichen Hinjagrunt. Hee ess eena vonne Experte ewa daut Deepa-Ritj, haft eene Doktaoarbeit doarewa jeschrewe en ess uck vele FRIND-Lesasch bekaunt aus Staudtfehrra von Münster. Klötzer denunziead vele vonne Horrorjeschichte aus Anti-Deepa-Propaganda. Dee schlemme Sache, dee weahrent dee Beloagarinj derch dee bischöfliche Armee passieade, lote sich derch dee schwieje Veteidigungs-Situatioon ertjleare: Daut, waut doa passiead, daut tjemmt emma vea, wan eene Staudt beloagat woat.

Dan diskutieade Andrea Lange, mennonitische Theologin ut Mainz, Professor Hubertus Lutterbach, kathoolischa Theoloog en Historika, en dee lutherischa Prof. Michael Peters vom Institut fe westfälische Tjoatjeschicht 40 Minute lang. „Eene seeha goode Diskussioon ewa dee



Wolfgang Krauß

unjascheedliche Aspekte vonne Jeschicht“, fot Wolfgang Krauß daut toop. Butadem sed hee: „Dee Hieasol we voll. Dee Ordnasch leete tjeenen meeha nenn. Goot 200 Persoone nauhme deel en kunne uck Froage stale.“

## Groote Openheit

Dan kaum dee Höhepunkt aune Rej: daut Meddachsjebed enne Lambertitjoatj. „Dee Veaschlach doatoo kaum vonne Leitung vom Katholitjedach“, sajcht Krauß, „etj we ewarauscht.“ Met Dr. Michael Kappes vonne Bistumsverwaltinjen en met Lioba Speer vonne Tjoatjedachs-Organisatioon word dee Liturgie-Tatjst faust jelajt.



## Trafe met dee Prinzessin

To eenem besondren Trafe kaum daut aum Aunfang vom Katholitedach. Dee enn Münster bedeeijde Menniste en dee lutherische Vetreda worde nohm Drostenhof enn Münster-Wolbeck to eenem Empfang enjelode – met Supp, Wien en Sprudel. Aunwesent we dee Prinzessin Philippa zu Salm-Salm, vondoagschet Frindschaft vom Fürstbischof, dee „siene Staudt“ vonne Deepa tridjerobert haft. - Dee Herrensitz jehieat bit oppem vondoagschen Dach dee Odelsfamilje Merweldt. Eah Veafuah nauhm den Deepa-Tjeenich Jan von Leiden faust en kunn vom Eroberungs-Jewenn siene finanzielle Probleme leese. Dee amerikaunsche Menniste en amische Vetreda bedde om Vejewinj fe daut, waut dee Deepa begohne habe. Dee Gaustjewasch entschuldijde sich uck fe dee Greueltrate, dee bie dee Eroberung von Münser ut-je-eewt worde. Krauß hild eene Red, enn dee hee uck betoond, daut sich ut theologischa Secht bie dee Mennonite dee Perspektive vonne Nohfolge Jesu derchjesat haft, weahrent dee Münsterana Deepa eehe eene oolttestamentliche Oppfotinj haude.

*Aula toop biem Meddachsjebed enne Lamberti-Tjoatj (v.l.n.r.): Jörg Hagemann, röm.-kath. Staudtdechant, Keith Blank, Mennonit ut Lancaster/USA, Andrea Lange, mennonitische Theologin, Jacob Schiere, Mennonit, Drachten/Niederlande, Ulf Schlien, Superintendent Ev. Kirchenkreis Münster. © Wolfgang Krauß*

„Daut jintj relativ harmoonisch too, met eene groote Openheit. Dee aundre Sied haud nich em Senn, dee Deepasch to vediewle. Dee Schultbetjantrnisse von aule dree Tjoatje hab wie ut Ertjlearinje vonne Tjoatje zitieat. Aule Siede, uck dee Deepa-Sied, habe eah Fehlvehoole ennje-seehne.“ (Tjitj unja „Meddachsjebed“)

## Eene stoatje Utsoag

500 Mensche kaume tom Meddachsjebed, dee groote Lamberti-Tjoatj we voll. „Vele Besetjasch were extra doatoo aunjereist, uck eenje Mennonite“, sajcht Krauß. (Aum selwjen Weatjenenj gauf daut een europeischet Mennistetrafe enn Frankreich, woo vel Menniste were. Dee habe waut vepausst.) Krauß we ewaweltijt, uck wan hee selfst tjeenen Tatjst to saje haud. „Daut Meddachsjebed we eene stoatje Utsoag – noh 500 Joah bede Katholitje, Evangeli-

sche en Mennonite toop aum dee Sted, woo daut passieat ess.“

**FRIND:** *Waut we daut fe een Jefeehl, aun eene kathoolische Liturgie deeltoehne?*

**Krauß:** „Etj sie aul lenja ökumenisch unjaweajes. Butadem we etj selfst je uck aum Vefote vonne Liturgie bedelijt. Toodem we dee Aundacht enne kathoolische Tjoatj, woorom sull dee dan nich kathoolisch senne?“

Dee Resonanz we positiv, soo Krauß wieda: „Met wem etj uck rede deed, dee Mensche funge daut seeha goot, daut op en opprechtich jeschildat word, waut jewese ess“.

## Kathoolitje deepe Erwossne

Dee dredde Veauunstaltinj heet „Tookonft vom Deepe – Tookonft vonne Tjoatj“. Krauß haud jedocht, daut wudd een Pro en Contra von



Dee Tjefige henja emma noch aune Lamberti-Tjoatj. © Wolfgang Krauß

Tijnjadeepe en Gloomensdeepe woare. Dee mennische Theologin Andrea Lange ertjlead uck dee mennische Position, oba dee Weihbischof von Erfurt, Dr. Reinhard Hauke, red nich ewa tjliene Tjinja: Hee red uck ewa daut Erwossnedeepe. Dee Bischof schildad dee Situation enne ostdietsche Lenda, woo daut vel Onjleibje jefft. Wan dee tom Gloowe kome, lote dee sich tom eschten Mol deepe – dan deepe Kathoolitje Erwossne.

Ejentlich licht daut aun dee „post-tjristliche Jesalschauft“, aun dee „bröckelnde Voltstjoatj“, sajcht Krauß. Vel Predjasch bekloage sich doarewa, daut see tjliene Tjinja deepe, uck wan dee Famieljes ewahaupt nich em tjristlichen Gloowe lewe.

Dee mennische Bedeeljung aum Katholitjedach we een volla Erfolg: „Wie tjene ons nich ewa fehlenden Toospruch bekloage“, sajcht Krauß. „Daut jemeensaume Fazit von aule

dree Siede ess: Wie motte dee Jeschicht aundasch vetahle. Wan dee

**„Dee Mennische Secht saul enn Münster uck doajestallt woare.“**

Clottjes doa henje bliewe, dan mott doa eene jeschichtliche Infotofel han met Auntwode opp dee Froage: Waut ess jewese? Woo goh wie doamet om? Wie aus Deepasch oda Menniste habe uck eene Veautwodinj, daut wie onse Jeschicht authentisch doastale – uck oppe Infotofel. Wie motte tjleare, woo wie eene Prezsenz enn Münster tjrieje, onse goode Kontakte, dee wie nu habe, woare ons halpe. Daut Jedajchtnis doaraun ess emma noch een Trauma. Enn Münster soowesoo, wiels doa emma wada jefroagt woat: Waut ess met dee Clottjes? Waneea woare dee mol endlich aufgehonge?

**FRIND:** *Woo woat Münster daut Veheltnis to dee Katholitje enn Tookonft be-ennflusse?*

**Krauß:** „Wie brucke eene Vestendjung, woo wie met Münster omgohne. Nich moa unja Menniste, uck met dee andre Tjoatje. Wie sulle enne neajchste Joahre eene Doaginj orga-

**Daut Meddachsjebed**

Dee Deelnema: Keith W. Blank, Mennonit, Lancaster/USA, Jörg Hagemann, röm.-kath. Staudtdechante, Münster, Andrea Lange, mennonitische Theologin, Mainz, Jacob Schiere, Mennonit, Drachten/Niederlande, Ulf Schlien, Superintendent Ev. Kirchenkreis Münster  
Dee zentrale Stede em Meddachsjebed were Zitate, dee bie dee Vollvesaumlinj vom Lutherischen Weltbund 2010 en biem mennonitisch-vatikanischen Dialog faustjelajcht worde.

**Schlien, evangelisch:** „Em Vetrue opp Gott ... bedd wie ... Gott en onse mennonitische Sestre en Breda om Vejewinj fe daut Liede, daut onse Veafahre em 16. Joahhundat dee Deepa toojefiejt habe.“

**Hagemann, römisch-kathoolisch:** „Kathoolitje tjene eene Bereitschaft to Buße tom Utdretj brinje, om Vejewinj fe aule Sinde bedde, dee jeajen Mennonite begohne worde, Gott sien Erboarme doaweajen aunroope en Gott sien Seajen fe eene niee Beziehung too dee Menniste vondoag erbedde.“

**Schiere, mennonitisch:** Hiea en vondoag enn Münster bedure wie aus Mennonite daut, waut dee Deepa to dee Tiet jesajcht en jedone habe, waut tom Uteneenbreatje von Tjristus sien Lief biejedroacht haft. Wie bedure daut vele Liede, daut dee kathoolische en lutherische Sestre en Breda derch dee Deepa toojefiejt word. Dee Jewault vonne Deepafehrasch enn Münster erschient ons vondoag aus extreme Folge von eene faulsche Utlajinj vom Evangelium.

zu empfangen über:

- Internetradio
- Kurzwelle
- Telefon
- Computer
- SAT Anlage



www.sw-radio.com • info@sw-radio.com • +49 (0)5232 - 803009

nisiere, woo wie dee veschiedenste Projatjite beleuchte – theologisch, historisch, praktisch, touristisch.”

**FRIND:** *Woo haft sich daut Veheltnis to dee kathoolische Tjoatj ve-endat?*

**Krauß:** „Dee dietsche Mennonite seehne daut Veheltnis nich aula jlitj.

Unjre Nie-Ennwaundrasch ute Sowjetunioon jefft daut Jemeendes, dee

### **Russlaundietsche dentje noch soo aus em 16. Joahhundat.**

jieden Kontakt auflehne. Dee veharrene Frontstalinje vom 16. Joahun-

dat. Oba: Dee kathoolische Tjoatj ess nich deeseljwe aus to dee Tiet, dee haft sich uck ve-endat.

Daut gauf dem mennonitisch-kathoolischen Dialog met dem Vatikan. Doa ess aul seeha vel passieat.”

## Dietsche Sproakinsle enn Ewasee

Bok haundelt vonne Menniste enn Nod- en Latienamerika

**Ditt ess nu aul daut tweede Bok enn eene Rej, enn dem Weetenschauftra ewa dee dietsche Sproak butahaulf von Dietschlaunt berechte. Em latzten Bok jintj daut om Dietsch en Meddel- en Oosteuroopa, soo aus tom Biespell enn Russlaunt en enne Ukraine. Enn dissem Bok ess nu daut Dietsche enn Ewasee daut Thema en een groota Deel von dissem Bok haundelt vonne Menniste enn Nod- en Latienamerika.**

Peter Rosenberg, dem wie aul von onse Doaginj tjane, schrifft ewa Latienamerika en jeiht ver aulem opp Argentinien, Chile, Paraguay en Brasilien enn. Wie lehre vel ewa dee Jeschicht, dee veschiedne dietsche Sproake, dee Kultua, Schoole, Vereene en Medien. Buta dee Menniste haft Rosenberg uck dee Pomeranos enn Brasilien jrintlich unjasocht.

### **Aufsatz von Heinrich Siemens**

Em latzten Deel vom Bok schrifft ons Veasetta Heinrich Siemens ewa dee Menniste. Dee Jeschicht fangt je aul verhea aun, oba dee Schwoapunkt enn dissem Bok ess dee Deel von onse Jeschicht, dee enne 1870a Joahre met dee Utwaundrinj von Russlaunt noh Kanada en dee USA aunfonk, aus Zar Alexander II. wull, daut dee plautdietsche Tjedels enne Armee deene sulle en een Dredel von dee Menniste ut Russlaunt utwaundad. Aus se

dan nohm 1. Weltjrich enn Kanada enne School Enjlich lehre sulle, waundade wada vele Menniste ut, escht noh Mexiko, een poa Joah lota noh Paraguay. Von doa jintj daut dan wieda noh Belize en Bolivien.

Uck enn dissem Deel woat buta dee Jeschicht uck dee Wirtschafft, dee Kultua, Polititj, Schoole en Medien behaundelt. Dee Menniste habe je twee dietsche Sproake met noh Ewasee jenohme, daut Hochdietsche en daut Plautdietsche. Opp beid Sproake woat enn dissem Deel enjehohne en em latzte Kapitel doavon dee Froag noh dee Tookunft vonne Menniste jestalt.

### **Jeschicht noh 1870**

Een Bok fe dee Weetenschauftra, oba uck fe jieda eena, dee sich fe dee Menniste eahre Jeschicht, ver aulem noh 1870 in-tressieat.

